


浙江通志

首卷三



漢書門			
二三五二	九〇	一四	一三〇
號	函	架	冊
類			

內閣文庫	
漢	元
書	二
	三
	五
	二
號	一
冊	二〇
架	一
函	十
冊	四

內閣文庫	
番號	漢 2352
冊數	120 ( 2 )
函號	232 48



勅修浙江通志

首卷

淺草文庫

詔諭

世宗憲皇帝

雍正元年十月二十六日戶部奉

諭朕自御極以來宵衣旰食無日不以民依為念督撫以下守令以上凡有地方之責者皆宜公忠體國仰副朕心

今年夏月朕以北省二麥歉收差員到南省於秋成後採買米石以備賑貸平糶朕意切於為民正欲酌盈劑虛以美補不足也又恐有不便於民之處於差員臨行之時再



東伯浙江通志 卷之二  
三申諭地方米多方可採買不必定要買足今聞各省地方官因欽差買米禁止商販不許出境大負朕痼瘵一體之意甚屬不合況浙江及江南蘇松等府地窄人稠卽在豐收之年亦皆仰食於湖廣江西等處今秋成歉收若商販不通必致米價騰貴該部速卽行文各省總督巡撫凡有米商出境任便放行使湖廣江西安慶等處米船直到蘇州蘇州米船直到浙江毋得阻撓庶幾有無流通民皆足食以副朕愛養元元之意特諭

雍正元年十一月十一日戶部奉

上諭浙省偶值秋旱其被災地方已降諭旨蠲免錢糧令有司加意撫綏查杭嘉湖所屬被災十四州縣應有額徵漕米三十二萬石朕恐荒歉之歲民間納米爲難着令徵收一半改折一半俾地方多存正米十六萬石又有耗米若干既可以濟民之食又可以紓民之力於閭閻大有裨益其改折之價着照康熙九年例每米一石折銀一兩按限解部又念被災之後所交米色未能純一其十六萬漕米着令紅白兼收以示朕軫恤地方格外施仁之至意爾部卽遵諭行特諭

雍正元年十二月初九日

上諭江南浙江江西湖廣山東河南各總督巡撫漕船關係

東傳海通志 卷之二  
緊要除本船正副旗丁外其頭舵水手皆應擇用本軍庶  
各知守法不敢悞漕生事近聞多僱募無籍之徒朋比爲  
奸不服旗丁彈壓當漕糧兌足之後仍延捱時日包攬貨  
物以致載重稽遲易於阻淺不能如期抵通及回空經產  
鹽之地又串通奸棍收帶私鹽此其弊端之彰著者聞尤  
有不法之事凡各省漕船水手多崇尚邪教聚衆行兇一  
呼百應邇年以來或因爭鬪傷害多人或行劫鹽店搶奪  
居民種種克惡漸不可長亟宜懲治爾該督撫卽嚴飭所  
屬各衛所嗣後糧船務於本軍內擇其能撐駕者充當頭  
舵水手不許僱募無籍之人更嚴禁邪教諭令歸業務爲  
良民如仍怙惡不悛該地方官不時查拏從重治罪如奉  
行不力卽將該管官弁指名題參特諭

雍正二年五月十六日欽奉

上諭國家輕徭薄賦小民輸將自當踴躍乃有累年拖欠不  
完者多由包收代納之故若浙江之里書其弊尤甚里書  
一役祖父相承掌管一里糧冊銀米悉憑收解致有需索  
花戶併飛灑侵蝕之弊官民俱受其累着卽嚴行禁革如  
州縣有違禁私用者立卽叅處至徵糧全憑冊籍務使挨  
戶清造方可按名催比毋得因循致滋混淆特諭

雍正二年八月十五日欽奉

東傳海通記 卷之二 三  
上諭朕思天地之間惟此五行之理人得之以生全物得之  
以長養而主宰五行者不外夫陰陽陰陽者卽鬼神之謂  
也孔子言鬼神之德體物而不可遺豈神道設教哉蓋以  
鬼神之事卽天地之理故不可以偶忽也凡小而邱陵大  
而川嶽莫不有神焉主之故當敬信而尊事況海爲四瀆  
之歸宿乎使以爲不足敬則堯舜之君何以柴望秩於山  
川文武之君何以懷柔百神及河喬嶽今愚民昧於此理  
往往信淫祀而不信明神傲慢褻瀆致干天譴夫善人多  
而不善之人少則天降之福卽稍有不善者亦蒙其庇不  
善人多而善人少則天降之罰雖善者亦被其殃近者江  
南報上海崇明諸處海水泛溢浙江又報海寧海鹽平湖  
會稽等處海水沖決隄防致傷田禾朕痛切民隱憂心孔  
殷水患雖關乎數或亦由近海居民平日享安瀾之福絕  
不念神明庇護之力傲慢褻瀆者有之夫敬神固理所當  
然而趨福避禍之道卽在乎此能敬則謂之順天不敬則  
謂之褻天褻天之人顧可望綏寧之福乎詩曰敬天之怒  
無敢戲豫又曰畏天之威于時保之朕固當朝乾夕惕不  
遑寧處以敬承天意亦願爾百姓共凜此言內盡其心外  
盡其禮敬神如神在實以至誠昭事而不徒尙乎虛文人  
意卽神意一念之感格自足以致休祥豈獨一家一鄉之

東傳浙江通志 卷之二  
被其澤哉爾百姓果能人人心存敬畏必獲永慶安瀾着該督撫將此諭旨令該地方官家諭戶曉俾沿海居民一體知悉特諭

雍正二年八月二十四日戶部奉

上諭前因浙江督撫等摺奏七月十八十九等日驟雨大風海潮泛溢衝決隄岸沿海州縣近海村莊居民田廬多被漂沒朕卽密諭速行具本奏聞賑恤但思被災小民望賑孔迫若待奏請方行賑恤恐時日耽延災民不能卽沾實惠朕心深爲憫惻着該督撫委遣大員踏勘被災小民卽動倉庫錢糧速行賑濟務使災黎不致失所其應免錢糧田畝卽詳細察明請蠲凡海潮未至之村莊不得混行冒蠲至於緊要隄岸衝決之處務須速行修築無使鹹水流入田畝朕念切痼瘼務令早沾實惠該地方官各宜實心奉行加意撫綏俾凋瘵得蘇生全速遂以副朕勤恤民隱至意該部卽行各該督撫遵奉速行特諭

雍正二年八月二十五日

上諭江南浙江江西湖廣山東河南各總督巡撫漕船關係緊要朕前降諭旨除本船正副旗丁外其頭舵水手皆應擇用本軍庶各知守法不敢悞漕生事此雖係總漕專責然亦關爾等地方之事爾等當嚴飭所屬糧道都司衛所

等官務須清查什軍毋令隱漏規避頭舵水手作何更換  
毋令假冒其換去之人作何安插毋令失所俱宜協同總  
漕悉心籌畫商確實力奉行以爲永久之計如奉行不力  
卽將該管官弁指名題叅特諭

雍正二年九月二十二日

上諭湖廣總督楊宗仁江西巡撫裴率度今歲各省秋成大  
有惟浙江江南沿海地方七月十八九等日海潮泛溢近  
海田禾不無損壞朕軫念災黎惟恐失所業經嚴飭兩省  
督撫發倉賑濟多方撫恤但杭嘉蘇松等府人稠地狹向  
來出米無多雖豐年亦仰給於湖廣江西等省今沿海被  
災恐將來米價騰貴小民艱食湖廣江西地近上流今歲  
豐收爾可速動司庫銀兩湖廣買米十萬石江西買米六  
萬石選委廉幹賢員陸續押送浙江交浙江巡撫平糶所  
糶之銀仍移還補庫其米應於何處交卸爾卽咨會浙江  
巡撫酌議速行務於浙民有益毋得怠緩遲悞特諭

雍正二年十月二十六日欽奉

上諭江浙兩省沿海地方於七月十八十九兩日同時皆被  
潮患漂沒居民廬舍雖經頒旨加意賑卹然朕憫惻之念  
至今尚未能釋惟有朝夕警惕以答 皇天  
天意但海爲衆水所歸無不容納今乃狂潮泛溢水不循軌

或者海洋潛藏匪類亦未可定稽諸前事往往有之沿海各有督撫提鎮務須實心愛養小民整理營伍閭閻各安其業汛防有備無虞毋令海洋別生事端庶不負朕委任之意特諭

雍正三年五月初七日戶部奉

上諭去歲江浙海潮衝溢沿海場竈淹沒之處甚多兩淮鹽政所屬地方經噶爾泰奏聞朕即發帑賑恤併將雍正元年二年竈戶未完折價銀四萬餘兩悉行蠲免其兩浙鹽政所屬地方該巡鹽並未將被災之處題報今謝賜履以摺奏聞去秋海濤漂沒情形兩淮與兩浙無異朕博施一

體之心務使率土羣生膏澤均霑將 年亭婁縣上海海寧餘

姚蕭山慈谿等縣雍正元年二年未完場課銀兩悉行蠲免該鹽政通行曉諭俾各場丁戶人人得沾實惠將已完未完場課數目確查報備有下尚存司將正生作欠或借端朦混私行重徵者即指名題參若隱匿違悞後經察出將該鹽政一併從重治罪該地方督撫仍嚴加稽察毋使吏胥中飽以副朕勤卹窮丁普濟同仁至意爾部即遵諭行特諭

雍正三年九月二十五日欽奉

上諭古者視歲之上中為儲蓄之節蓋官民經畫久遠不為



東傳清江通志 首卷  
一時苟且之計積之於豐年用之於歉歲所謂有備無患  
法良而意美也朕自臨御以來宵旰勤求無刻不以民依  
爲念乃重農積粟之詔屢下而閭閻卒少蓋藏官倉亦各  
虧缺卽如直隸保定等府去歲頗稱有秋今春二麥亦熟  
乃以夏秋雨水過多田禾被澇而民間遂有饑色幾至流  
離若非多方賑恤窮民必至失所此皆草野無知食不以  
時用不以禮但快目前之有餘罔計異日之不足一遭旱  
澇追悔無從至於常平等倉原爲備荒而設乃有司奉行  
不力多至缺額罪何可逭茲據江南浙江江西湖廣福建  
河南山西陝西廣東廣西雲南貴州等省督撫報稱今歲  
秋成八九十分不等朕覽奏不勝慰悅又重爲吾民計及  
長久宜及此時講求儲蓄之道以備將來該督撫等可轉  
飭有司徧行曉諭務須撙節愛惜各留有餘預爲他時緩  
急之需社倉之法亦宜趁此豐年努力爲之勿但視爲虛  
文故事朕爲吾民籌畫養贍之道惓惓於懷無時或釋而  
吾民自謀其身家若但苟且因循不復長顧遠慮則重負  
朕軫念元元之意也至於州縣倉儲向有虧缺者若不趁  
此豐收之時速行買補將來發覺斷不姑貸慎之慎之特  
諭

雍正三年十二月十七日戶部奉

上諭湖廣爲產米之鄉穀石最宜多貯將來運往別省皆爲近便今查湖廣通省存倉之穀只數十萬石爲數無多今歲湖廣收成豐稔着卽行文該督撫令其動支庫銀十餘萬兩遴委賢員採買穀石於省倉及府州縣應貯之處加謹收貯此時只宜陸續採買不可因官價一時採買致令穀價騰貴設若民間穀價稍昂卽便停止俟明年再行採買江南浙江今歲俱獲豐收着落該撫就近商酌若亦可動項採買穀石有益着卽一面定數奏聞一面採買可也特諭

雍正四年十月初六日欽奉

上諭朕臨御寰區惟以正人心端風俗爲首務乃化導訓誨之旨屢頒而錮疾尙未悛改如浙江則有汪景祺查詭誕之流肆行訛謗毫無忌憚可見浙省風俗澆漓甚於他省而今科主考陳萬策策問中有云浙省敝俗頗喜爭訟或本屬細故而張大其詞或僅有影響而鑿空妄作刁風未革積習日深等語益可見浙俗之難於化導爲衆所共知者也若不力爲整頓挽回及其陷於重罪然後加之以刑實有所不忍朕意專遣一官前往浙江省問風俗稽察奸偽應勸導者勸導之應懲治者懲治之應交地方官審結者卽交地方官審結應叅奏提問者卽叅奏提問務使紳

衿士庶有所儆戒盡除浮薄囂凌之習歸於謹厚以昭一道同風之治河南學政王國棟居官聲名甚好可着前行浙江膺斯職任其應給何等之銜並如何設立衙門鑄給關防之處着九卿詳議具奏王國棟着來京請訓旨再是浙江新任其提督河南學政員缺着于廣去欽此

雍正四年十一月二十七日欽奉

上諭讀書所以明理講求天經地義知有君父之尊然後見諸行事足以厚俗維風以備國家之用非僅欲其工於文字也浙江文詞甲於天下而風俗澆漓敝壞已極如查嗣庭汪景祺自矜其私智小慧傲睨一世輕薄天下之人遂至喪心悖義謗訕君上以

聖祖仁皇帝六十餘年聖德神功深仁厚澤普天率土浹髓淪肌自居心以至用人行政至公至正事事周詳盡善實為古帝王中所罕見者而查嗣庭汪景祺乃敢肆行謗議則凡為人君者更何道以免悖逆之譏刺乎設使議論及於朕躬其情罪尙猶可恕今觀查嗣庭日記於雍正年間之事無甚詆毀且有感恩戴德之語而極意謗訕者皆

聖祖皇帝已行之事也本極盡善無可擬議而妄肆悖逆猖狂之言誰無君父能不痛心能不切齒昔孔子作春秋歷代因之各有史冊以垂法戒今若容悖逆之人顛倒是非

私行記載則史冊不足憑矣豈非千古罪人乎浙江風氣惡薄如此查嗣庭汪景祺而外自有與此相類者若加窮究則不可勝誅倘聽其風俗頹敝不加整飭何以成一道同風之治朕思開科取士原欲得人任用豈以其文詞藻之工可以有益於民生吏治今浙江風氣如此挾其筆墨之微長遂忘綱常之大義則開科取士又復何用且巡撫李衛等從查嗣庭家中搜出闈場懷挾細字密寫文章數百篇似此無耻不法之事查氏子弟如此必係浙人習以爲常不但藐視國憲亦且玷辱科名應將浙江人鄉會試停止至於生員歲考仍舊舉行百姓皆吾赤子地方如有水旱之事朕仍加恩賑恤鄉會試既停且使浙人與生同年彼此請託營求紛紜膠擾之習爲之肅清將來人心共知改悔風俗趨於淳樸朕確有見聞再詳諭旨朕因人心風俗關係重大不得不嚴加整理以爲久安長治之計朕意如此着內閣九卿翰林詹事科道會同定議具奏特諭

雍正五年二月初九日欽奉

上諭浙江杭嘉湖三府上年秋冬之間雨水稍多收成畧覺歉薄今年青黃不接之時已令地方官商酌平糶以濟民食但念米價雖不至昂貴而無力窮苦之民本無糶米之

資甚屬可憫着動用庫銀四萬兩令巡撫李衛會同將軍鄂彌達觀風整俗使王國棟悉心商酌於地方或開濬河道或修理城垣堤岸令小民就近傭工藉以餬口倘四萬金尙不敷用着李衛等再行具奏請旨特諭

雍正五年三月初五日兵部奉

上諭浙江綠旗兵丁懦弱騎射生疎營伍不整陝西兵丁人材壯健弓馬嫻熟者頗多將陝西各標營兵丁內揀選一百名移住浙江分撥各標教習訓練浙省兵丁亦知鼓勵於營伍大有裨益其撥住兵丁內有人去得騎射嫻熟能約束教習者卽行拔補千總總督岳鍾琪現在四川爾部

行文陝西提鎮將伊等標下及各營兵丁內漢仗弓馬俱好人去得情願攜帶家眷移住浙江者甘肅固原二提標各選二十名肅州涼州寧夏西寧延綏興漢鎮標各選十名共一百名如無家眷隻身願往者亦准其前往倘兵丁內不能得願往之人卽行招募人材壯健弓馬嫻熟情願移住浙江者以足其數再兵丁自陝至浙路途遙遠搬移家口車輛船隻等項沿途費用煩多兵丁難以措辦係西安地方兵丁交與西安巡撫係甘肅地方兵丁交與甘肅巡撫酌量多少家口量給一路足用盤費務令兵丁得沾實惠但人多路遠照管需人文職着於同知通判內選派

一員武職着於遊擊守備內選派一員沿途督送或一齊起程或分數起前後起程七八月間再令起程前往各兵起程之後一切養贍安置之處自有浙江巡撫提督會同料理欽此

雍正五年十月十七日大學士九卿等蒙

賜觀浙江巡撫所進一莖二穗三穗嘉禾回奏奉

硃批

上諭覽卿等所奏此非朕涼德之所致想浙省澆習必然不  
變矣不然不能感名

上蒼如此之瑞應朕深為浙省巨民慶幸焉將此諭發與李  
衛着通省曉諭欽此

雍正五年十月二十七日欽奉

上諭朕御極以來愛養黎元勤求治理耗羨之說原非得已  
本欲將各省錢糧之耗羨悉行革除因廣為諮詢留心體  
察知州縣官員實有必不得已之用度若將耗羨盡行禁  
止在廉謹之員實難支持而貪污不肖之徒勢必藉口無  
以養廉而有恣意苛索之事百姓轉受其累是以錢糧之  
有火耗由來已久各處俱有相沿之例其數亦多寡不  
均惟應於火耗過重之員重治其罪若有司官酌量收納不  
加重耗苛取於民小民亦覺相安此各省之大勢也查各

省之中耗羨最輕者莫如浙江一省每兩不過五六分地方官員常以不能敷用爲苦各省之中賦稅最多者莫如江南之蘇松二府浙江之嘉湖二府每府多至數十萬地方百姓未免難於輸將此二事皆關係官民之要務也查蘇松嘉湖賦稅加重之由蓋始於明初洪武時四府之人爲張士誠固守故平定之後籍諸富民之田以爲官田其私租爲稅額夫負固之罪在士誠一人而乃歸咎於百姓加其賦稅此洪武之刻政也明朝二百餘年減復不一其朝定鼎以來亦照明例徵收蓋因陸續辦理軍需經費在在未便遽然裁減也我

皇考聖祖仁皇帝常論及此雍正三年朕仰體

皇考多年寬賦之

聖心將蘇松二府額徵浮糧豁免彼時頒發諭旨甚明本欲一體加恩於嘉湖二府因浙江風俗澆漓正須化導不便啟其望恩幸澤之心故爾暫止今見浙俗漸次轉移窮民可望改行遷善朕心深慰特沛恩膏查嘉興府額徵銀四十七萬二千九百餘兩着減十分之一計免銀四萬七千二百九十兩零湖州府額徵銀三十九萬九千九百餘兩着減十分之一計免銀三萬九千九百九十兩零二府共免銀八萬七千二百兩零永著爲例着該督撫督率有司

敬謹奉行以副朕蠲賦恤民之至意至於浙江地方各官養廉之資更無別項而耗羨則每兩不過五六分以通省額徵之數計之每年耗羨僅十四萬兩自督撫將軍副都統學政及藩臬道府同知通判州縣等官共一百二十員凡用度公費皆取資於此是以不足支應除嘉湖二府錢糧已經減免外着將杭州寧波紹興台州金華嚴州衢州溫州處州等九府額徵銀二百五萬兩按十分之一存年計算得銀十萬賞給各官以爲養廉合之州縣耗羨則每年二十四萬兩從雍正六年爲始俱着提解司庫令該撫量官職之大小府州縣之繁簡秉公派定數目奏聞餘銀存爲本省公事之用朕軫念浙省官民施恩格外百姓賦稅之稍重者則將額徵之數特賜裁減官員用度之不足者則將惟正之供賞給養廉朕今施恩於官者實施恩於民之意無非欲百姓等催科不擾皆樂業於田間官員等俯仰裕如咸盡心於職守倘官民不知副朕愛民之苦心仍有作奸犯科隱糧逋賦及侵漁公帑剝削民膏者在天理國法俱難姑容加以重懲更無可貸思之慎之又如四川州縣錢糧甚少官員用度實無所出故一切供應俱出自里民前岳鍾琪憲德等奏稱欲將通省耗羨定爲加三而革去里民一切供應之陋規川民亦甚樂從等語朕以



加三耗羨太重未肯允行命岳鍾琪再加斟酌具奏今岳鍾琪奏稱目前事勢非加三不能敷用況從前貪吏有加六七者今既革除一切供應之累又實減耗而並未加耗誠百姓歡欣樂從之舉將來地畝開墾既多自可次第裁減等語朕思及於官民均便姑且令行看俟開墾加增之後再令裁減朕辦理天下事務惟喜據實無隱故將此明白諭衆知之朕之行政惟期官民上下相安並受其益無幾微未協之處然後可以望永遠遵行也特諭

雍正六年八月二十九日欽奉

上諭據浙江學政王蘭生摺奏生員以立品奉公爲尚若有潛遁胥役欺隱錢糧包攬抗欠者一經查出卽行黜革重處又於按考所至嚴加曉諭並令地方官開報使其完糧然後收考若能久而成風人人以急公爲榮以欠糧爲耻則士習民風愈覺淳厚等語天下之民不外乎士與民天下之俗不外乎士習與民風士民雖分而爲二而其實則一也有司有治民之責學政有課士之任雖各有專司而其實則相爲表裏也嘗見有司但以爲職在臨民而置學校於不問而學政則以爲統屬士子若不優容庇護無以博其稱揚因而曲爲徇隱百計包荒遇有生員違抗錢糧者又以催科乃地方官之事與督學無涉以致士子無所

忌憚此等陋識實庸劣學臣之所同也不知士子乃百姓之坊表士習不端民風何由而厚況倚仗青衿抗延國課則士品頹壞已極其害實在世道人心不僅關係錢糧之通欠而已王蘭生令地方官開報欠糧之生員必俟完納方准收考俾人人以急公爲榮以欠糧爲耻此實鼓勵化導之善政而他省學政從未有如此舉行者未必皆見不及此大抵瞻徇苟且之習未除耳王蘭生着交部議敘向來浙省士習澆漓中外所知朕爲世道人心計不得不嚴加整理今二年以來李衛王國棟王蘭生先後奏稱兩浙士子感朕訓誨之恩省愆悔過將舊日囂凌之習痛自改除可稱士風丕變前年朕原降旨浙人秉性聰慧既知讀書必明大義非如強悍執滯之難於感化者一經指示則醒悟亦必最捷不出二三年可以望其自新今果然矣明年卽屆鄉試之期浙省士子准其照舊鄉會考試以示朕訓俗牖民樂聞遷善之至意特諭

雍正六年十月初三日欽奉

上諭向來江浙收兌漕糧俱用本地粳米擇其乾圓潔淨者方准交納間遇收成稍薄之年該督撫每以紅白兼收爲請朕皆允行夫米糧乾潔皆可久貯原不在色之紅白且江浙二省戶口繁多且每年應納漕糧將及四百萬石若

東傳浙江通志 首卷 二  
必拘定本地粳米恐致米價昂貴民間難於輸將朕軫念  
閭閻凡有裨益民生之計皆爲之周詳籌畫自雍正己酉  
年爲始江浙徵收漕米但擇乾圓潔淨不必較論米色准  
令紅白兼收粳粳並納永著爲例特諭

雍正七年二月二十六日欽奉

上諭據欽差浙江清查錢糧之大臣性桂摺奏浙省雍正二  
年以前未完舊欠錢糧帶徵每年應完銀十五萬兩有零  
查雍正五年六年應完之項已於本年如數完納又雍正  
三年至五年未完之錢糧七十七萬餘兩於雍正六年之  
丙巳完四十餘萬兩其餘在奏銷以前大約可以全完民

情感戴國恩踴躍輸納正賦等語浙省爲財賦重地民力  
輸將朕所軫念其所舊欠錢糧非不欲開恩豁免祇以屢  
年未完之項乃頑戶之所拖欠若以抗正供而霑膏澤則  
頑民獲利而良善轉未邀恩非所以化導人心風俗也今  
浙省紳士庶民咸能知朕教養之殷懷感朕訓誨之至意  
卽此踴躍完糧一事可以見其戴恩遷善之誠朕實爲浙  
省之士民風俗稱慶非重此數十萬之國帑也浙省因總  
督李衛正己率屬勸懲兼施實心任事故能令地方革薄  
從忠也如此然其嚮善之速該省之人亦甚屬可嘉用是  
特沛鴻恩將雍正七年額徵地丁屯餉錢糧蠲免十分之

東征紀略卷之二  
二共計六十萬兩着李衛轉飭各屬恪遵奉行務使閭閻均霑實惠並將朕加恩獎善之意通行宣諭俾遠鄉僻壤咸共知悉特諭

雍正七年三月十四日欽奉

上諭在京八旗兵丁朕悉心爲之籌畫其家若有吉凶之事需用之費無所取辦實爲拮据可憫特給內庫銀兩令三大臣等營運生息以備兵丁一時之用今思外省駐防之滿洲漢軍兵丁等亦當一體加恩江寧杭州西安京口荊州廣東福建寧夏石衛共九處每處賞銀二萬兩天津河

州廣東福建寧夏石衛共九處每處賞銀一萬兩俱着於布政司庫內支給交與該將軍副都統等公同存貯營運生息如該處駐防兵丁家有吉凶之事將息銀酌量賞給以濟其用其本銀永遠爲存公生息之項不必繳還該將軍副都統等務須盡心辦理使兵丁均霑實惠倘該管大臣官員有私自侵蝕挪移或委任非人以致本利虧缺者定行從重治罪仍於該管及委用等官員名下嚴追還項其營運利息之處亦必公平辦理倘指稱官銀名色或佔奪百姓行業或重利刻剝閭閻與商賈小民爭利擾累地方着各督撫不時稽查卽行叅奏倘督撫徇隱不奏經朕訪聞必將該督撫一併議處此項本利銀兩每年出入之數交

與在京八旗都統副都統查核一旗或管一省或管二省  
着怡親王大學士等酌量派定每年歲底各省該管大臣  
官員等造冊賚送各該旗查核奏聞再各省督標撫標提  
標兵丁等亦倣此例每標或給銀一二萬兩或給銀數千  
兩按兵丁之數分別銀兩之多寡亦着怡親王大學士等  
酌量派定其銀卽交與各該督撫提督委員料理以惠濟  
兵丁均照野防之例行其前後接任之時將此造入交代  
冊內查核至於各省鎮標兵丁等一時難以遍及量國用  
之出入次第加恩陸續降旨特諭

雍正七年六月二十一日欽奉

上諭我朝肇造區夏

天錫人歸

列聖相傳中外從乂逮我

聖祖仁皇帝繼天立極福庇兆民文治武功恩施德教超越  
百王亘古罕有此普天率土心悅誠服雖深山窮谷庸夫  
孺子以及凡有血氣之倫莫不尊親者詎意逆賊呂留良  
悍戾克頑好亂樂禍自附明代王府儀賓之孫追思舊國  
憤懣詆譏夫儀賓之後裔於戚屬至爲疎賤何足比數且  
生於明之末季當流寇陷北京時呂留良年方孩童本朝  
定鼎之後伊親被教澤始獲讀書成立於順治年間應試

得為諸生嗣經歲科屢試以其浮薄之才每居高等盜竊虛名誇榮鄉里是呂留良於明毫無痛癢之關其本心何曾有高尚之節也乃於康熙六年因考校失利妄為大言棄去青衿忽追思明代深怨本朝以博學宏詞薦則詭云必死以山林隱逸薦則欲薙髮為僧按其歲月呂留良身為本朝諸生十餘年之久矣乃始幡然易慮號為明之遺民千古悖逆反覆之人有如是之怪誕無耻可唾可鄙者乎自是著邪書立逆說喪心病狂肆無忌憚其實不過賣文鬻書營求聲利而遂敢於

聖祖仁皇帝任意指斥公然罵詈以毫無影響之事憑虛撰述所著詩文以及日記等類或鐫板流傳或珍藏秘密皆人世耳目所未經意想所未到者朕繙閱之餘不勝惶駭震悼蓋其悖逆狂噬之詞非惟不可枚舉抑且凡為臣子者所不忍寓之於目不忍出之於口不忍述之於紙筆者也今姑就其中數條畧為宣示內外諸臣庶天下後世共知其講張感憤之荒唐犬吠狼嗥之忿戾自生民以來亂臣賊子罪惡滔天以奸詐兇頑盜名理學大儒者未有如呂留良之可恨人也其文集有云德祐以後天地一變亘古所未經又其行狀云有故人死於西湖為位以哭壞墻裂竹擬於西臺之慟又云將以小莊為桃花源為不知有

漢無論魏晉之人又云遂削髮爲僧苟延性命又辭山林  
隱逸之薦答友人書云有人行於途賣飴者唱曰破帽換  
糖其人急除匿已而唱曰破網巾換糖復匿之又唱曰亂  
頭髮換糖乃惶遽無措曰何太相逼留良之薙頂亦正怕  
換糖者相逼耳又示諸子戒慶生辰云如其有重於生也  
則偷息一日一日之耻也世有君子曰夫夫也何爲至今  
不死也則其慘嚴於斧鉞又何慶之有使以辱身苟活者  
爲慶將置夫年不滿一二十義不顧門戶斷頭飛首以遂  
其志義者於何地也又日記內詩句云若論五百年間事  
紫色畫聲總正傳又云麻刺吉出城送者填塞饑渴易爲  
飲食如此觀我民狼狽不知所歸可憐可痛也又云李安  
華亭人甲申後入北幕與史道隣書及下江南詔皆其筆  
也中有六合一而泰階平禮樂興而干戈息之句人傳嗤  
之又云沈天彝爲妹求旌貞節且云其尊公棄車先生遺  
命不請有司之旌子曰尊公之識高其命正當遵也棄車  
先生遭變後十餘年閉門不見賓客顛毛全好天彝忽以  
酒灌醉盡髡之醒爲號痛而已所著述將及棟天彝盡取  
焚之恐其刺觸累已也噫亦異矣又祭友人云斯文將喪  
逆天者亡顧我逆天死反得後等語此卽其梗化不臣明  
目張膽指我朝爲閔統託吠堯以自文者皆此類也夫呂

留良食本朝之粟履本朝之士且身立膠庠深被本朝之恩何得視如仇敵而毫無顧忌曾蜂蟻之不若乎又文集有云人心惡薄日甚卽殺運所開聊避睹聞竊恐不免又日記云吳三桂乞撤之語甚有憤懣不平之氣三桂老不足慮其下恐未必安又云滇中於甲寅元日寅時卽王位取西寅也今按其時正彼中日食云又云董允珪出其新作乃平涼頌也予不看曰先須改題目去首字改頌作嘆又云聞吳三桂死有吳國貴者立清遣人往講割雲貴罷兵又云聞閩亂爲范承謨激成承謨亦死於閩又其行狀丙云夙興夜寐終日乾乾等語夫普天之下莫非王土率士之濱莫非王臣呂留良於我朝食德服疇以有其身家育其子孫者數十年乃不知一大統之義平日之謂我朝皆任意指名或曰清或曰北或曰燕或曰彼中至於與逆藩吳三桂連書之處亦曰往講若本朝與逆藩爲隣敵者然何其悖亂之甚乎且吳三桂耿精忠乃叛逆之賊人人得而誅之呂留良聞其稱兵犯順則欣然有喜惟恐其不成於本朝疆宇之恢復則悵然若失轉形於嗟嘆於忠臣之殉難則汚以過失且聞其死而快意不顧綱常之倒置惟以助虐迎寇爲心不顧生民之塗炭惟以兵連禍結爲幸何呂留良處心積慮殘忍克暴之至此極也且乾乾夕



揚易經傳註皆以爲人君之事而其子孫公然以加呂留  
良之身不更肆且妄乎又云永歷帝被執時滿漢皆傾心  
東宮勒馬前行以鞭梢東指則東邊滿漢兵皆跪西指則  
西跪弑之日天地晦霾日月失光百里之內凡關壯繆廟  
皆被雷擊等語查僞永歷朱由榔本竊立於流寇之中在  
雲貴廣西等處其衆自相攻剽劫奪貽禍民生後兵敗逃  
竄緬甸順治十八年定西將軍愛星阿等領兵追至緬城  
先遣人傳諭緬酋令執送朱由榔否則軍臨城下後悔無  
及大軍隨至城下緬人震懼遂執朱由榔獻軍前殺僞侯  
王維恭等一百餘人於是全獲朱由榔眷屬以歸此僞永  
歷之實蹟乃中外之人所共知者朱由榔窮蹙無置爲我  
朝滿漢大兵所共擒獲豈有擒獲寇賊之人轉於伊馬前  
行跪之理乎其時之漢人兵丁亦耻而不爲之事況於滿  
人乎此等謬說荒唐鄙謬無中生有不知何自而來也至  
云關壯繆廟皆被雷擊尤爲荒唐之甚朱由榔之死實由  
上天誅殛而人力豈能強爲耶關聖帝君與雷神皆爲奉  
天司令之人何以有凡關廟皆被雷擊之事於理亦甚爲不  
順且本朝用兵以來事事皆仰荷

上天眷佑之恩百神呵護之德卽如我兵之守永興也士卒  
不過千人賊以重兵相攻勢甚危急蒙真武之神顯化神

兵布滿巖谷狂寇寒心褫魄衆遂潰逃而散此有

御製之碑文詳記其事者其克復雲南城也則有金馬飛騰

之兆而逆寇卽日蕩平此皆見之志乘萬目共觀之事天

下所共知者然此不過舉一二事而言其他不可枚舉呂

留良獨不聞之乎總之逆賊呂留良於本朝實有徵應之

事蹟則概爲隱匿而不書而專以造作妖誣欲快其私憤

伊之妄誕伎倆能逆天乎又文集內云今日之窮爲義皇

以來所僅見等語夫明末之時朝廷失政貪虐公行橫征

暴斂民不聊生至於流寇肆毒疆場日蹙每歲糜費數百

萬悉皆出於民力乃斯民極窮之時也我朝掃靖寇氛與

民休養於是明代之窮民咸有更生之慶呂留良豈毫無

耳目而乃喪心昧理顛倒其說轉言今日之民窮乎況逮

我

聖祖仁皇帝愛育黎元海內殷庶黃童白叟不見兵革蠲租

減賦之政史不勝書民何由而窮至爲義皇以來僅見之

窮乎試問

聖祖仁皇帝六十餘年久道化成休養生息物阜民安內外

昇平兆民樂業卽義皇以來屈指而數蒙

天之眷佑可以比並我朝之盛者果可多得乎而乃云義

皇以來未有之窮不太甚乎卽呂留良懷不逞之心動云

萬金結客而其刊刻我朝時文貨賣謀利富仍不貲觀其  
日記所載米鹽瑣碎算及糞壤營營求利之心惟日不足  
尙得謂之窮乎又日記內云四月末京中起怪風三日其  
色大紅着人面皆紅又云石門鎮堰橋水忽立二丈許舟  
中蘆蓆有飛至南高橋復還原舟者又云有大星如椀後  
有細星隨之如彗又云十二月二十九日夜雨甚大燿然  
大電隨發震雷甚響而長不知明年作何運數耳又云初  
五日午後日光磨盪有黑日如鬪狀又云日有三枚日旁  
有一差小者色白不甚動白日旁又一小者色赤而動甚  
又云河南鄆縣有鳳至百鳥朝會數日有二赤鳥長丈許  
以身蔽鳳凰身五色陸離鳴如簫韶邑人怪之驅牛壓勝  
牛俱股栗不前路上死鳥甚衆又有死金色鯉狼籍地上  
時予作鳳硯銘云德未嘗衰或來善以道鳴必聖人  
言而忽聞此又一異也等語凡此毫無影響妄捏怪誕之  
記載甚多總由其逆意中幸災樂禍但以捏造妄幻惑人  
觀聽爲事其荒誕不經皆不顧也夫災異亦古所時有上  
天垂象原以儆戒人君令其修省進德未有事不實而可  
爲鑒者也若如呂留良之記載一一皆虛天地間未有之  
事何以示儆於將來假令傳諸後世以捏影捕風之語或  
信爲實有之事必以從前太平盛世尙有如此非常奇怪

災異倘遇日月星辰水旱之災必輕忽為無關於治亂而漫不經心其所以啟後世人君之怠玩者其罪不可勝數矣又日記云康熙甚吝吳中顧雲崑者寫真甚精供奉內庭不許其遍遊公侯之門一日入朝倉遽用舊服康熙曰此要銀子也薦之一王子送元寶二百兩及緞康熙收之臨行時康熙止予二十四兩而已等語不但豈有此事而怪誕悖亂何至於此極也呂留良以此誣

聖德夫韓昭侯藏敝袴曰以待有功者史冊相傳以為美談今一寫真之人即

聖祖仁皇帝不輕加厚賜亦

聖祖慎重賞賚之盛德耳而呂留良捏此浮言或為吝惜財物乎

聖祖仁皇帝在位六十一年除水旱賑恤外

特恩蠲免錢糧不下數百萬萬此天下臣民所共知豈吝主所能為者呂留良獨無耳目乎忍心害理可謂極矣且呂留良誼屬臣民而漫稱康熙其悖逆無狀何太甚矣即此數條倡狂悖亂已極放言橫逆之罪況其他太甚之詞尤足令人痛心疾首不共戴天夫呂留良生於浙省人文之鄉讀書學問初非曾靜山野窮僻冥頑無知者比且曾靜祇譏及於朕躬而呂留良則上誣

聖祖皇考之盛德曾靜之訕謗由於悞聽流言而呂留良則  
出自胸臆造作妖妄況曾靜謬執中國夷狄之見胸中妄  
起疑團若不讀呂留良之書不見呂留良之議論蜂起快  
心滿意亦必有所顧忌而不敢見之文詞是呂留良之罪  
大惡極誠有較曾靜更爲倍甚者也朕向來謂浙省風俗  
漢漓人懷不逞如汪景祺查嗣庭之流皆以謗訕悖逆自  
伏其辜皆呂留良之遺害也甚至民間氓庶亦善造言生  
事如雍正四年內有海寧平湖闖城屠戮之謠比時驚疑  
相煽逃避流離者有之此皆呂留良一人爲之倡導於前  
是以舉鄉從風而靡也蓋浙省士人等習見呂留良之恣  
爲狂吠坐致盛名兼擁厚資曾無纖芥之患得櫻其身屢  
以轉相推服轉相慕效多被愚迷而不知也甚至地方官  
吏怵其聲勢之囂凌黨徒之衆盛皆頌加意尸位優禮於  
式以沽重儒之譽如近日總督李衛爲大臣中公正剛直  
之人亦於到任之時循照往例不得不爲之贈送祠堂扁  
額況他人乎此其陷溺人心濁亂世俗害已不可勝言矣  
數年以來朕因浙省人心風俗之害可憂者甚大早夜籌  
畫仁育義正備極化導整頓之苦心近始漸爲轉移日歸  
於正若使稍爲悠悠不亟加整頓則呂留良之邪說誣民  
者必致充塞膠固於人心而不可解而天經地義之大閑

泯沒淪棄幾使人人爲無父無君之人矣呂留良之爲禍  
浙省者不知何所底止耶今日天道昭然逆賊惡貫時至  
令其奸詐陰險盡情敗露則不容不正明其罪以維持世  
教彰明國法者也且呂留良動以理學自居謂已身上續  
周程張朱之道統夫周程張朱世之大儒豈有以無父無  
君爲其道以亂臣賊子爲其學者乎此其狎侮聖賢之教  
敗壞士人之心真名教中大罪魁也而庸流下愚不能灼  
知其心跡行藏乃以一不解天經地義之匪類猶且羣然  
以道學推之則斯文掃地矣卽呂留良自撰之文亦云逆  
天者二又曰顧我逆天反書後死明知逆天之罪大而必  
欲悍然蹈之死而不悔不知古今以來天地間亦罕悍暴  
之氣何獨鍾於呂留良也朕卽位以來實不知呂留良有  
何著述之事而其惡貫滿盈神人共憤天地不容致有曾  
靜上書總督岳鍾琪之舉由岳發露以著呂留良之兇頑  
而呂留良之子如呂葆中者曾應舉成名蒙恩拔置鼎甲  
仕列清華其餘子孫多列庠序乃不卽燬板焚書以滅其  
跡且呂葆中旣已身叨仕籍而猶世惡相承並未洗心滌  
意前此一念和尚謀叛之案黨羽連及呂葆中其時逆跡  
早已彰著蒙我

聖祖皇帝如天之仁免其究問而呂葆中遂憂懼以死就常

情而論呂葆中之兄弟子孫遇如此驚危險禍且荷蒙  
聖祖皇帝如此高厚洪恩自當感激悔悟共思掩覆前非以  
為倖逃誅極之計豈料冥頑悍驚習與性成仍復抱守遺  
編深藏笥篋此固呂留良以逆亂為其家傳故呂葆中等  
逆豎昏愚罔知警惕而實乃天道昭然不容少昧如有鬼  
神驅遣使逆賊之陰謀徹底呈現於今日逆賊之胎毒不  
致漏網於天誅也前此曾靜逆書朕所以一一剖白者緣  
朕卽位以來深知外間逆黨甚衆目然布散訛言惑亂人  
之心志其所詆惟朕之一身者朕可以己意自為判定歸  
結若如呂留良之罪大惡極獲罪於

聖祖在天之靈者至深且重卽凡天下庸夫孺子稍有一錢  
天良之人知此亦無不切齒而豎髮不欲與之戴履天地  
此亦凡為臣子者情理之所必然茲特降諭旨將諸條畧  
為宣示其逆賊呂留良及其子孫嫡親弟兄子姪應照何  
律治罪之處著九卿翰詹科道會議直省督撫提督兩司  
秉公各抒己見詳核定議具奏特諭

雍正七年八月十八日欽奉

諭前據浙江署督桂柱著撫蔡仕勳等奏進湖州居民王  
文隆家萬蠶同織端縐一幅長五尺八寸寬二尺三寸父  
老皆稱為從來未有之事朕恐小民圖利望恩或用人力

造作而成亦未可知令性桂等詳細體訪務令確實勿為所欺昨性桂蔡仕紳等於本地詳加驗看訪察實係自然成就並不由於人工具摺覆奏前來廷臣等以蠶桑織經乃衣被之大原養民之切務今浙省有此瑞應則小民溘焉可期咸為國家稱慶奏請宣付史館昭示萬世朕素不言祥瑞數年以來每遇休徵必倍加乾惕儆戒所頒諭旨至再至三想中外臣民共知之矣朕愛育元元務期晉天率土之人同霑實惠一時肴有之物不足以禦饑寒倘蒙上天俯鑒惻誠錫福黎庶蠶桑普盛衣食充盈乃朕心之所謂祥瑞也朕命卿等觀看理應具奏然宣付史館之處可不必行欽此

雍正七年八月二十三日欽奉

上諭朕惟占聖人之制祭祀也凡山川嶽瀆之神有功德於生民能為之禦災捍患者皆載在祀典蓋所以薦歆昭格崇德報功而并以勸斯人敬畏肅肅之心使之毋敢慢易而為非也雍正二年浙江海塘潮水沖決朕特發帑命大臣察勘修築并念居民平日不知敬畏明神多有褻慢切諭以虔誠修省之道令地方官家喻戶曉警覺家庶比年以來塘工完整災沴不作居民安業已默叨

神佑矣今年潮汎盛長幾至泛溢官民震恐幸而水勢漸退



隄防無恙此皆

禱明默垂護佑惠我蒸民者也茲特發內帑十萬兩於海寧  
縣地方勅建海神之廟以崇報享着該督遴委賢員度地  
鳩工敬謹修建務期制度恢宏規模壯麗崇奉祀事用答  
明神庇民禦患之休烈且令遠近人民奔走瞻仰興起感動  
庶莫不盡消其慢易之私而益振其恪恭之志相與服教  
畏神遷善改過永荷庥祥則於國家事神治人之道庶有  
賴焉其一應事宜着該督等詳悉定議具奏特諭

雍正八年正月十二日欽奉

上諭爾等議政處原議乍浦地方駐劄滿洲兵一千六百名  
此內挑選杭州餘丁八百名江寧餘丁四百名京城餘丁  
四百名令其披甲前往駐劄朕近詢問將軍鄂密達據稱  
江寧餘丁披甲者可得八百名等語今京城不必揀發四  
百名卽於江寧餘丁內着鄂密達酌量挑選八百名令其  
披甲前往乍浦駐劄乍浦地方創設駐劄兵丁則補放管  
轄官員事殊緊要補放之員務將年富力强黽勉任事者  
揀選補授交與將軍鄂密達着於江寧應補人員內揀補  
現任官員內應行調補者揀選調補如江寧應補之員不  
能足數於杭州應補人員揀選補授現任官員內揀選調  
補之處着將軍鄂密達與將軍阿里衮互商派委此兩處

補授員缺着各該將軍題補倘兩處不能足數着將數目開明報部該部請旨具奏再由京城揀選人員補授發往此駐防之官兵移居起程着交與江南總督范時繹浙江總督李衛公同商議料理起身欽此

雍正八年六月初七日欽奉

上諭周書洪範言人身五事若有得失在天之休徵咎徵卽各以其類應之此卽朕每日所諭天人感應之理捷於影響者也夫所謂修人事以感名

天和者必須君民上下各盡其道各殫其誠以爲昭事

上天之本若人君有朝乾夕惕之心而大臣官員不能宣化或君臣有移風易俗之念而民情士習不能淳薄從忠此則偏而不全不克成會極歸極之盛而欲冀

上天俯垂默佑普錫繁禧也豈不難乎其理如此確乎不易數年以來朕已諭之詳矣是以爲君而存推諉於官民之心者非賢君也爲臣爲民而存推諉於君上之心者非良有司良百姓也惟當各盡其道以待

天恩近見直省各處奏報雨澤頗覺均調麥秋亦屬豐稔朕心稍慰但聞江浙雨水稍多田禾間有澇溢之患朕悉心推求其故想因今年春夏之交京師雨澤愆期朕爲畿輔祈禱並憂慮及於江浙地方已而京師得雨而朕心則專

為江浙祈求至南方多雨情形朕未曾聞知但以少雨為懼所以朕屢諭外省大臣凡覺有水旱之機即當速奏朕知之者正為此也南方既已多雨而朕心仍復祈求或因此一念以致

上天賜雨過多浙省有滂溢之處乎又考之洪範曰狂恒雨若浙省素稱人文華盛之區今年會試朕加恩取中至七十名既因中式人多是以殿試之時才更優於他省一甲三人悉登浙士或者士子之心不免驕矜之氣如洪範之所謂狂者至於恒雨之徵此朕就目前之天象人事而推測之有不能無疑者朕每遇雨暘不時即撫躬自省不敢

玩忽況古聖人之垂訓千古為罪所賴漸之多士遇登進之榮即凜盛滿之戒見示儆之象益深戒長之心必能仰邀

天眷於方來矣特諭

雍正八年七月初四日欽奉

上諭據浙江總督李衛奏稱乍浦新立水師兵丁所領錢糧已蒙恩諭照天津例每月加賞五錢眾兵莫不感戴歡呼但以前項蒙恩賞賜生息銀兩未敢派令均霑隨將恩賞分前項蒙恩賞賜生息銀兩未敢派令均霑隨將恩賞分給餉銀應否一體支領之處移查天津都統據天津覆文

內稱彼處舵工水手等人皆係僱募在營支取工食非係食糧兵丁不會加增等語是以浙省現在亦仍照舊額支餉未敢添給但查此項兵丁俱係熟於水務之人身既遠離鄉井或挈家而來或分住兩地皆須養贍家口之資其中如捕盜舵工阿班斗旋繚手等人皆自幼練習方能精熟將來滿兵卽於水務極嫻而若輩仍須留用是其勤勞艱難之情非別營水師可比臣與將軍阿里袞副都統富森密商無異可否仰請聖恩將每月加銀五錢之處一體支領并將恩賞生息銀兩亦量爲分派謹此請旨等語朕覽李衛所奏甚是緣旗兵丁旣派滿營教習操練自應與滿洲兵丁一體加恩況其中捕盜舵工等人尤爲効力勤勞應當體恤着照李衛所請每月一體加賞餉銀五錢其所頒生息銀兩亦酌量分派俾得同霑恩賜特諭

雍正九年十一月二十八日欽奉

上諭據浙江總督李衛奏稱嘉興府屬七縣並杭屬之海寧一縣於九月初旬正當禾苗秀實之時忽有細蟲生於苗腹以致禾穗黃萎通邑計之此有彼無此多彼少尙不至於成災但已將收穫之時未免少減分數而所收之米青白不一且有米粒細小者僅可食用難以完漕仰懇皇恩將嘉興等縣今歲應完漕米改爲折徵或照雍正元年四

東修海塘通志 首卷  
年恩旨每石折銀一兩或照雍正五年部定每石折銀一兩二錢之例出自聖恩等語朕思數年以來杭嘉湖三府百姓於額徵錢糧急公輸納無有逋欠甚屬可嘉今茲數處小有蟲災米粒稍碎不能完漕應令減價折收以示體恤着照雍正元年之例每石以一兩折徵解部欽此

雍正十一年十月十四日欽奉

上諭杭嘉湖三府上年偶被蟲水年成歉收朕特沛恩施將應完漕米分年帶徵發帑賑恤黎民已不致失所惟是本地所產米石每下敷本地食用現今年歲雖獲豐收而上年借糶倉穀恐一時未能買補足數明歲青黃不按時必須米石酌撥平糶以濟民食不可不預為籌備着將杭嘉湖二府屬本年額徵漕米各截留五萬石存貯備用再歸安烏程二縣聞今歲收成稍歉所產米糧尤應留為本地之用着將兩縣本年分應徵漕米一十八萬餘石並帶徵雍正十年分漕米七千六百餘石一併照部定折價改徵銀兩解部着該督程元章嚴飭地方官實力奉行毋得縱令胥役人等額外需索以仰副朕加惠黎民至意特諭

雍正十三年正月初二日欽奉

上諭朕聞浙江海塘工程現在修理尖山已堵築三分之一人心甚是踴躍但尖山夫役每日給工銀三分六釐稍覺

不足今當初春之月水淺潮平正趨築工程之候着照引河挑夫之例每日加銀一分四釐共足五分之數又聞從前採運石塊每方給銀八錢九分四釐六毫今運送多資人力每方增銀六分俾夫役等工食寬裕努力修築早告成功以慰朕念欽此

雍正十三年四月初八日欽奉

上諭據浙江巡撫程元章奏稱向因杭州漢軍四旗壯丁生齒繁衍於雍正十一年間倣照閩省之例挑選餘丁三百名撥歸督撫標下頂補綠旗名糧臣查浙省向無督標只有撫標兩營共額兵七百餘名內除隨糧公糧外實在兵

丁僅止六百餘名非若閩省督撫兩標兵丁數千名可比杭城省會重地城守營兵原少而撫標弁兵亦一體派差凡巡緝私鹽查拏盜賊等事在在需兵差遣而新補旗兵例不派撥則標兵應付差使實有不敷況撫標兵數無多每年出缺有限計算一年有餘僅頂補四十餘名約畧餘丁三百名非歷十年之久不能補足不但經年守候抑且先後不均且綠旗亦有餘丁無頂補之缺未免向隅等語查雍正七年朕曾降旨當日各省設立漢軍駐防因人數不敷是以添設綠旗兵丁令該將軍管轄今漢軍餘丁繁衍足供差操之用嗣後將軍標下綠旗兵丁缺出卽將漢

軍餘丁頂補如綠旗兵丁之子弟內有祖父食糧年久者於本省督撫等標營名糧准其充補此朕再三籌畫辦理者蓋以當年漢軍人數不足是以添設綠旗兵丁今漢軍餘丁日多仍令充補本將軍標下綠旗之缺於情理實為允當着照閩省之例以將軍所轄漢軍餘丁充補將軍所轄綠旗兵丁之缺從前閩省辦理未協況浙江撫標額兵本少豈可又分三百餘名令漢軍充補若果漢軍餘丁繁多當另思所以安頓之法着將閩省從前頂補綠旗之漢軍撤回俟本標缺出頂補其缺仍給還綠旗浙省亦着撤回頂補甲兵特諭

雍正十三年七月初十日欽奉

上諭浙閩江西等省有棚民之州縣朕皆留心揀發牧令前往俾司化導董率之任蓋此等無業民人聚散無常往來莫定其間良頑不一易於藏奸若稽察稍疎必至漸為閭閻之擾向聞棚民留住之地方皆責成本處地主山主出具甘結並非來歷不明之輩始許容留而牧令官員於每年歲底親往查點一次倘有作奸犯科而地主山主不行舉首者一體治罪此向例也今聞法久廢弛有司等視查點為具文而地主山主亦以保結為虛應故事大非朕除暴安民教民成俗之本意着該督撫等轉飭有司實力奉

行毋或怠惰倘有不遵卽行題叅從重議處若督撫失於覺察經朕訪聞亦必加以嚴譴特諭

雍正十三年七月十一日欽奉

上諭前聞浙省海塘於本年六月初二日風潮偶作衝決之處甚多朕心甚爲軫念已降旨詢問情由並令速行搶修以防秋汛今朕訪聞得今歲風潮不過風大水湧並非昔年海嘯可比且爲時不久未有連日震撼衝汕情形若平日隨時補苴防護謹密自不致潰決如此之多總因數年來經理官員將舊日工程視同膜外並不隨時修補且將原題准其在於歲修案內報銷之工不許修築以致根腳空虛處處危險不能捍禦風浪又海防兵備道乃特設專司之員責任綦重從前隆昇程元章等請將同知成貴題請朕因其平日不曾經歷河工誠恐未必勝任且陞用太驟是以姑令署理試看今聞伊於工程並未諳練兼之患瘧經年不能辦事東塘同知張偉爲人軟弱安坐海寧西塘同知李飛鯤存心狡猾日在省城奔競俱非實心任事之員而隆昇與程元章等意見又不相合汪瀆張坦麟但知隨聲附和顧國家公事前因虐使民夫尅減工料經朕降旨申飭畧知收斂然石萬觔尙折減六七折不等欲符原估六萬兩之數一任宕匠包賠逃亡悞工平時人事



廢弛若此何以抵禦狂瀾况朕不惜數百萬帑金冀以保全一方民生而各官懷挾私意不知爲國爲民宜乎

上天垂象以示儆也兵備道係緊要之員今成貴患病溺職如此隆昇程元章汪澂張坦麟總理協辦所司何事郝玉麟既在浙江豈無見聞何以俱不題叅着伊明白回奏兵備道員缺卽着伊等在於知府中揀選題委目今秋汛正大搶修保護最爲急務一切事宜俱交與隆昇程元章汪澂張坦麟等悉心料理倘仍蹈前轍再有疎虞致傷田廬民命必將伊等從重治罪不稍寬貸郝玉麟既不據實聞亦不能置身事外至於僱募人夫采辦物料務須公平

給值聽從民便俾閭閻踴躍從事不得涉於勉強或繩以官法刑驅勢迫擾累地方致辜朕愛養民生之至意特諭

雍正十三年七月十五日欽奉

上諭浙江海塘工程原在平日隨時補苴防護謹密始可禦猝然之風浪乃近年以來經理官員將舊日工程以爲非己身經手者視同膜外不加修補以致今年六月初二日風大水湧遂潰決塘工如此之多此朕訪聞最確者朕爲浙省海塘宵旰焦勞無時或釋且不惜多費帑金登斯民於衽席年來所降諭旨不下數十百次矣隆昇程元章汪澂張坦麟皆朕特簡之大員委以防川之重任且訓諭諄

諄望其實力奉行勉以和衷共濟豈料伊等私心蔽錮意見叅差但分彼此之形全無公忠之念安有身在地方目覩隄岸空虛而不督率屬員先事預防急爲修補者隆昇程元章汪隆張坦麟俱着交部嚴察議奏目今江南塘工告竣王柔着補授浙江海防兵備道速赴新任欽此

雍正十三年七月十九日內閣奉

上諭浙江海塘工程關係民生最爲緊要朕宵旰焦勞不惜多費帑金爲億萬生靈謀久遠又安之計所以告誡在事臣工者已至再至三矣不料經理諸臣各懷私意彼此叅差以致乖戾之氣上下

天和有今年六月風浪潰隄之事今雖勉力搶修尙不知能捍禦秋潮否至於建築石塘工程浩大若諸臣陋習不改仍似從前則大工何所倚賴朕再四思維大學士朱軾廉慎持躬昔曾巡撫浙江諳練塘工今雖年逾七旬精神不逮而董率指示似尙能爲朕以此詢問之伊自稱情願効力着由水路乘船前往令該部給與水程勘合並令沿途撥兵護送伊子朱必堦着隨伊父去朱軾到浙之日稽查指授總理大綱至一切工程事務仍着隆昇程元章汪漑張坦麟等照前辦理俱聽朱軾節制若大臣中有懷私齟齬者着朱軾據實叅奏朕必嚴加處分若文武官員有營

私作弊或怠玩因循者朱軾卽行糾叅從重治罪朱軾未到之先所有應辦工程物料着隆昇程元章等上緊辦理毋得藉口等候欽差徘徊觀望以致稽遲欽此

雍正十三年七月二十一日欽奉

上諭浙江鹽務漸不如前若不留心整頓必致廢弛難理程元章力量僅能勉強辦理巡撫事務不能兼理鹽政浙江布政使張若震年力精壯實心任事從前在鹽道任內曾經諳練其辦理亦屬妥協着伊兼管鹽政凡地方文武官弁有關涉鹽務者准其舉劾若有作弊掣肘者卽着糾叅

欽此

今上皇帝

雍正十三年十月二十五日工部奉

上諭浙江修理海塘工程該督郝玉麟等奏請增添捐納條欵經九卿會議准行朕思捐納一事原爲一時權宜無益於吏治並無益於國帑朕知之甚悉浙省增捐之處不必行海塘工程着動正項錢糧辦理欽此

雍正十三年十二月初八日總理事務王大臣奉

上諭朕前降旨該部令傳諭江南督臣將雍正十二年以前兩淮場課舊欠查明奏聞蠲免今朕聞兩浙山東應建廣東諸處各有舊欠場課鹽折銀兩事同一體宜並

施恩着該部傳諭各該督撫查明奏聞一併豁免欽此  
雍正十三年十二月二十一日總理事務王大臣奉  
上諭隆昇剛愎自用怙過不悛若仍留浙江於塘工無益  
着解任來京其副都統織造二缺候朕另降諭旨程元  
章身為巡撫不能和衷共濟乃懷挾私心貽悞公事亦  
不應留於浙省着解任來京其巡撫印務卽着大學士  
嵇曾筠兼管俾地方管轄與海塘工程歸併一手自無  
掣肘牽制之患張坦麟汪漜俱照司道例聽嵇曾筠節  
制委用隆昇所管關稅事務着嵇曾筠委員暫行管理  
嵇曾筠摺內所叅驍騎校常祿巡檢黃國標蔣文暹通  
判葉齊俱着革職王國標蔣文暹葉齊仍着留工効力  
倘怠忽貽悞着嵇曾筠卽行嚴叅治罪江南總督趙宏  
恩駐劄江寧難以兼管河務江南總河員缺着高斌補  
授其管理兩淮鹽政候朕另降諭旨欽此

勅修浙江通志首卷 二

勅修浙江通志 首卷 二

對其管野兩新鹽廼新刑吳利備言趁北

恩賜階工寧職以兼管同登工南縣同員始善高最麻

尚息念胡則善蘇會醉唱行邇然尚罪工南縣督數安

代葉齊財善革輝王圖縣蘇文嚴葉齊外善留工校八

勅修浙江通志

首卷三

聖製

文

聖祖仁皇帝

南巡詩序

朕念切民依咨詢幽隱於二十八年春再舉南巡爰自畿甸東臨齊魯沿沂江淮達於吳越曩者甲子之歲輿衛所經瞻顧閭閻觀省謠俗憫懷澤國軫恤羣黎未嘗一日忘於厥心已嘗形諸篇詠載前集中今茲重歷郡邑見民物

漸殷生業就理遠勝曩時中心慰悅又不禁吟詠及之途中停警撤蹕欲以洞悉輿情數千里間百姓懽躍載路星攢雲集瞻依愛戴發於至誠朕自惟化理何以克洽民情益用是欷然也廼於巡歷所至沛膏澤飭官方戒民俗修典禮經武備覽河防施諸事矣又發諸言或御帳殿或撫船聽吟詠所及性情在焉古人云詩言志比朕篇章所寓時以民生風化惓惓爲念卽間於眺覽之餘抒寫景物指顧河山要其寄託則自有在也因哀而集之爲南巡詩二

卷云

禹陵頌 有序

朕謁視河淮省方浙地會稽在望爰渡錢塘展拜大禹廟瞻眺久之勅有司歲加修葺春秋蒞禩盛在禮必豐必虔以志崇報之意時康熙二十八年二月十五日也緬維大禹接二帝之心傳開三代之治運昏墊旣平教稼明倫由是而起其有功於後世不淺豈特當時利賴哉朕自御宇以來軫懷饑渴留意河防講求疏濬漸見底績周行山澤益仰前徽爰作頌曰  
下民其咨聖人乃生危微精一允執相承克勤克儉不伐不矜隨山刊木地平天成九州始辨萬世永寧六府三事政教修明會稽鉅鎮五嶽媿靈茲惟其藏陵谷式經百禩

守護松柏鬱貞仰止高山時切景行其巖壑谷人強百  
南巡詩序

朕三度南巡咸因視河親爲籌畫遂至江浙察吏安民所  
歷之地隨其時宜廣沛膏澤拯疾苦焉茲行兼奉

皇太后鑾輿而南旣可無闕定省之儀且欲見  
先帝開基富有四海而朕守成教育率土清寧無慚付託以

博

慈顏之懌悅然往返遄迅絕無滯留百司章奏三日一送行  
在卽與剖決舟行多暇仍覽書史日捺觚翰偶寄吟篇莫  
非記採風俗時存懷保就業之意後之人讀朕前後南巡  
諸詩知朕心之有在云爾

補陀邏迦山普濟寺碑記

稽考梵書補陀邏迦山有三一居厄納忒里一居忒白忒  
一居南海卽是山也本山志書未得其詳當年海寇猖狂  
凡禁海之外寺宇梵刹皆爲灰燼自康熙二十二年蕩平  
臺灣海波永息故遊方衲子因舊基址斬蓬蒿刈藜藿而  
更新焉朕時巡浙西特遣專官虔修淨供敬書題額永鎮  
山門復發帑金重修寺宇務俾殿堂廡牖丹碧華畢芬椽  
煥美而一木一石悉出公家一夫一役不煩民力上爲  
慈闈延禧下爲蒼生錫祉也朕自幼齡誦經讀史以修齊治

平爲本未暇覽金經貝葉空寂泡影之文所以不能窺其  
堂奧而言之元者善之長也佛者以善爲本推而擴之大  
約無二上天好生化育萬彙大士慈悲度盡衆生亦無二  
也朕求治勤民四十餘載矣今者兵革已銷而民生未臻  
康阜梗頑雖化而民情未盡淳良皆由水旱靡常豐歉各  
異此朕寤寐孳孳不能釋也以大士之力庶幾慈雲法雨  
甘露祥風使歲稔人安萬姓仁壽則普濟之宏功卽時雍  
之上理是朕之心也夫爰書翰簡勒諸穹碑垂示無盡云  
康熙四十三年歲次甲申嘉平上旬

南海補陀法雨寺碑文

蓋聞圓通妙象般若具源開覺路於金繩大地證菩提之  
慧聞潮音於碧海靈沙誦普度之聲紺殿維新滄波永靜  
惟茲法雨寺者南海補陀山大士之別院也名山佛國大  
海慈航青嶂干霄高逼梵天之上洪濤浴日祥開淨土之  
場一柱如擎震旦指爲名勝三山可接方輿記其神奇值  
氛祲之震驚致山川之闐寂僧徒雲散佛宇灰飛比者運  
值清寧慶海波之不作地連溟渤望法界而知歸特願內  
府之金重建空王之宅鳩工揆日葺屋不勞庀材築基礱  
鼓弗作珠宮貝闕涵聖水以無邊鼇柱鼉梁覺迷津之可  
渡坐青蓮之寶像圓滿輪輝藝紫竹於祇林莊嚴毫相瞻



慈雲之普照錫法雨之嘉名海若効靈天吳護法標霞高  
建來萬國之梯航彼岸可登作十方之津筏藉其廣大上  
以祝

**聖母之遐齡假此慈悲下以錫羣黎之多福則旃檀香外盡  
成仁壽之區水月光中悉是涵濡之澤勒諸琬琰昭示來  
茲康熙四十三年十二月**

重修天竺寺碑文

朕御虛凝麻心周區域省方設教駐蹕湖山眷茲民力於  
東南詎止皇輿之名勝若廼因其舊蹟無侈前觀則天竺  
寺之所由以重修也粵惟鷲嶺著於西方法法輪則一竺峰

麗於南國名刹維三固緇梵所薰修亦仙靈之窟宅潮音  
送響遙接普陀塔影橫空長留舍利瑞光發於澗上奇木  
像大士之容白衣感夫夢中淨域建看經之院或旱乾間  
作禾黍告枯而幡蓋來迎霖雨濡足有禱輒應無福不臻  
斯固歷晉宋以迄今實亦載簡編而可信意者能仁之量  
等於好生佛道之成關乎民隱推斯指也不其偉歟將使  
般若之門隨方而啓仁壽之域舉世咸登有其興矣曷可  
廢哉朕曩者親奉

慈闈式臨茲宇自芳湖而西顧望初地以南循輦過花迎旌  
迴雲捲巖深乳竇含真珠之寶光峰轉飛來帶琉璃之紺

色百靈斯護七聖不迷既祝我  
皇太后壽履康寧復冀凡茲庶民室家盈慶然則迦釋之弘  
慈與國家之布德豈有殊也顧山靈如昔寺貌未新

皇太后爲國發心爲民祈福時申  
慈命重葺香林茲役之興不妨民事凌雲再煥將無乾竺之  
靈匪日成功實篤坤元之慶恒沙國土偕常樂以同升億  
萬蒼生享太平而無極是則我  
皇太后之聖心依然迦釋之心而於朕經營天下利濟生民  
之心亦適有愜也夫

重修淨慈寺碑文

蓋聞寶界三千咸歸淨業珍臺八萬同證慈航施在  
銀衣國名舍衛供彌天之珠樹園號泯洹自靈鷲西來至  
玉函南渡層軒飛閣起鹿苑於湖山芝蓋花幡記伽藍於  
蓮谷皆爲選佛之場實是栖真之室杭州淨慈寺者原顯  
德中締構也宿尊入夢殿闢永明白足藏書堂開宗鏡窟  
經錫杖卓石上之奔泉敷法金魚伏亭前之寒井南屏山  
色翠翠千盤北岸波光琉璃百頃高柯映戶時來獻果之  
景致於浙江信稱勝地乃者僧人不戒難返風輪遂爾豫  
教冠災適遭火劫禪基未續道跡將湮朕周覽餘杭巡行

南國惜茲善果結此福因命集工徒重葺院宇蘭楣桂棟  
出炎網而煥金繩藻梲雕題化崑岡而爲玉闕巍峩琳殿  
偕蓮座以俱新璀璨瑤幢對雷峰而並立飄孤山之香雪  
暑然花散維摩舞方丈之長松依舊風清羅漢龍天護法  
鑿東嶺之烟霞獅象宣音應西興之鐘鼓蛟藏江浦再聽  
梵音鶴下晴空還看瓶刹智燈回照顯色相於已頓慧日  
高懸鎮檀林而永固俾下域顧瞻淨土時懷常淨之心願  
羣生感化慈緣悉發大慈之隱用摛紫翰述壯麗之規模  
爰勅青琪標建修之歲月康熙四十九年十一月穀旦

詩

聖祖仁皇帝

巡幸杭州

東南上郡古臨安親採風謠一省觀翠岫龍從猶舞鳳羽  
旗簡約不鳴鑾春暉草木江山麗戶滿絃歌雨露寬德化  
遠敷吾未信如何夾路萬聲懽

吳山

左控長江右控湖萬家烟火滿康衢偶來絕頂憑虛望似  
向雲霄展畫圖

泛舟西湖

一片湖光激濫開峰巒三面送青來輕舟掉去波添影曲

東何清江通志 首卷 七  
岸移時路却回春色初搖隄上柳惠風正發寺邊梅此行  
不是探名勝欲使陽和徧九垓

西溪

十里清溪曲修篁入望森暖催梅信早水落草痕深俗藉  
漁爲業園饒筍作林民風愛淳樸不厭一登臨

題西溪山莊以竹牕二字書賜高士奇

花源路幾重柴桑皆沃土烟翠竹牕幽雪香梅苔古

過桃花嶺至玉泉寺

度嶺穿雲路始平停鑣聊憩小池清遊魚自有悠然意豈  
識乾坤造化宏

湖心亭

水上起樓臺湖面平如鏡春風吹柳條遠與山光映

渡錢塘江

雪後春烟漠漠浮揚舫擊楫向中流江通潮汐分吳地路

入溪山隱越州振武戈矛皆駐馬

憶用武時大兵屯駐江干

省方旂葆

此乘舟風帆沙鳥看何限遠地雲霞望裏收

山陰

灌木叢篁傍水幽淡烟晴日漾芳洲蘭橈搖過山陰道在  
昔人傳鏡裏遊

登臥龍山越望亭

周覽山川歷井疆越峰突兀見青蒼爭流萬壑通城郭一  
一看來在下方

雲棲竹樹甚茂幽蘭滿山  
山徑紆徐合溪聲到處聞竹深雲晏日木古勢干雲倚檻  
聽啼鳥攀崖採異芬韶華春已半萬物各欣欣

虎跑泉 并序

西湖自昔畫舫笙歌之地朕茲行志本省方止一覽其山  
川風土未曾片刻停驂尚食但飲虎跑泉水一勺耳  
松林帶餘雪空山啼百舌石溜響涓涓寒泉自清潔

靈隱寺

靈山結幽秀鷲嶺起嵯峨梵宇盤空出香雲繞地多開襟  
對層碧下馬撫烟蘿羽衛閒來往非同問法過

飛來峰

巖岫峻嶒洞壑奇懸藤古木半逃離冷泉亭子清溪上誰  
識源頭混混時

諭浙省將吏軍民 并序

朕自武林回鑾百姓擁道固請暫留慰諭遣之因詔諸將  
吏務在調劑兵民共相輯睦息訟弭爭務本崇儉毋失末  
業以滋游惰并賦斯篇  
省方浙西東山川極遐矚茲晨當回鑾諄諄一相勗軍民

貴安和文武須聯屬息忿可無爭守分在忍辱日使訟庭  
閒愚民免械梏奢侈尤當懲繁華莫恣欲儉乃保其富素  
履各敦篤惟令教化興益見閭閻足諸吏宜勉之期歸淳  
樸俗

閱河之便奉

皇太后臨幸武林是日喜晴

雄城千雉帶江湖羽衛重臨氣象殊九有承歡逢勝日萬  
民擁戴滿亨衢時當豐歲人咸樂海不揚波澤遠濡况是  
春陽布暄暖無邊韶景溢興區

雲樞寺

江路轉嶺隩山行愜心賞古樹與茂竹翳蔽極深廣濕漉  
細泉流萋萋芳草長其際春之暮天氣堪俯仰鳥性鳴晴  
曦蜂蝶爭下上巡省歷窮谷所至察萬象小憩澗壑幽澤  
貴被草莽

西湖

湖光開澗澗臨幸及芳時淺翠堆山色輕香拂水湄彩旂  
看自動畫鷁覺平移靜坐觀羣類資生得所宜

湖心亭閒覽

虛曠層闌挹翠微春容澹澹送晴暉澄波如鏡涵天影魚  
鳥欣欣自息機

宋臣蘇軾開湖溉田築隄瀦水杭民利之為政者不當如是乎

長隄十里跨湖波官柳青青覆軟莎漫道只為游賞地懸知布政在民和

鷲峰

何處飛來一塊石嵌空巖竇作玲瓏下臨巨澗淙淙冷上蔭長松謾謾風

雲林寺

無為幾事少問俗駐林邱衛騎森嚴滅爐烟靨黷浮鳥啼香界古花綴梵筵幽野徂春風引輕鋪細草柔

菜畦

東南農事已春深菜隴花開滿地金獨愛小民勤力作馬頭堪慰省方心

行宮雨中望吳山

檻外青山縱目收繁花初落葉新稠更教點染烟雲色添得牕前翠欲流

閱浙江駐防將士射

羽林舊將分防重吳越名區古戛疆講武正宜清晏日人自擅技穿楊

示江南浙江守土諸臣

宇宙方清寧吏治尚端廉農使樂耕鑿民使適閭閻大寮  
總其要小吏毋苛纖紀綱不可弛隨時酌寬嚴爲上能自  
愛羣屬必畏鉗訟惟善得情操守時警矻勿恃才妄作勿  
以媚自快務令比戶豐膏澤遠近霑朱轡與彤駟萬姓所  
具瞻臧否道有碑防口難可捐不見廣厦材聳榦從幽潛  
不見沖霄鶴飲啄本靜恬告誡示勉勗保護茲庶黔

再過鷺峰

愛此清幽一徑深馬隨泉響入雲林蒼苔古洞何年鑿  
脈韶光自賞心

登吳山

重經層巘暫停鑿天日晴和覽眺寬城市萬家烟火近念  
茲莫遣有饑寒

望錢塘江

江流幾折勢灣環指點遙岑是越山南朔東西無一事春  
風浩蕩奉

慈顏

虎跑泉

靈泉湧地寒侵骨勝跡名高著虎跑似恐被人頻汲取一  
泓清迥出山坳  
由淨慈寺經南屏諸山



紆曲南屏路欣隨步輦來 時奉 皇太后觀覽 鳥飛驚玉仗花落

點經臺邃閣聞松籟疎籬迸竹胎雙峰高不極更在白雲

隈泉石賦寒林竹樹迴沙洲綠水繞村墟

孤山放鶴亭

處士人何在山前夕照來亭空不見鶴磴石尚留梅楊柳

縈烟嫩棠梨過雨開今朝閒繫艇還自愛賢才

玉泉有五色魚賜名清漣寺

錦鱗游泳滌池紋隱藻穿蘋暗作羣濠濮會心原不遠清

漣題額與傳聞

西湖再作

面面山容澹盈盈水態清流文灤傑閣波影蕩高城燕舞

知迎擢花低解避旌乘春宏沛澤隨地稔民情

浙省道上書懷

遍野農桑繞翠旌畦邊童叟帶雲耕江山盡是昇平日寸

晷難忘終始情

桑林乍綠蠶事方興詩以嘉之

彌望桑林吐葉垂枝嫩碧初勻竹舍正殷蠶務天工雨露

維均

曉發嘉興

數里城依水千門路向田菜塍無近遠桑岸互縣連土沃

勤爲最年豐儉欲先雲開林野秀初日上行旃

過雲栖憩竹林下令人刷筍刷蘭

尋春二月幸雲栖滿日天光入品題密林布蔭樵漁樂幽  
栢成行蕙芷齊浴手臨泉開籜筍傍巖倚石選蓬藜餘杭  
風景西湖勝未若山中待竹迷

雲栖歸途遇雨

錢江風雨促前旌竹樹繽紛細草明夾岸黎元瞻拜切頻  
施膏澤愜民情

錢塘江潮

相傳水岸雪崖勢滾滾掀翻擁怒濤風靜不聞千里浪三

臨越地識江臯

西湖夜月

月照清漣靜不波鸞簫象管夜來多輕舟豈羨江湖勝欲  
寫無私屬棹歌

岸側桑葉初碧

夾岸青青繞御舟濃桑初茁滿村謳省方徧問蠶家苦春  
雨連綿盡日憂

癸未春二月二十日自杭回至蘓州是夜雨二十一日  
朕欲北行地方大小官員百姓留住二十二日雨甚再  
留不能起行二十三日雨晴又欲留書懷以示

躊躇星夜兩河工又至吳鄉泊趁風春雨姑蘇留豹尾黎  
情江浙戀青驄翠華景從無停蓋徧覆時巡有折衷不意  
龍蟠虎踞勝豈因景物雜謙沖

巡省江浙見閭閻有起色示諸臣省刑愛民

巡方不用駕樓船白舫蘭橈問市塵和氣成春知歲稔清  
屈布物愛時妍齊民但示蒲鞭辱報國應同行節堅莫恃  
才名輕庶政冥冥中自有青天

駐蹕杭州府

越境湖山秀文風天地成南臨控禹穴西枕俯蓬瀛客與  
雙峰近徘徊數句盈民心多愛戴少慰始終情

西湖遇雨

雨洗催花葉滿林柴門曉色靜沈沈微飄柳絮春光晚輕  
絮徐紋見水心

西湖戲作

晴雨分山色臨流啓壯觀樓臺橫水面梵塔插雲端忽訝  
松間竹當誇巖下蘭風光被草木無處不成歡

幸雲栖二首

鳥道沿江問信潮石頭恬靜有歸橈轉移至險看洄洑盡  
得人防莫失調

其二

竹徑因依長綠苔桑田菜麥碧巖隈此來也爲佳山水又  
恐遲行畏景催

蠲江浙積欠

賜撫臣張鵬翮

國家財賦東南重已責蠲租志念殷雨澤何妨頻見渥普  
天願與樂耕耘

初八日行宮題

康熙四十四年四月

歲月流光五十春兩江風景一時新蟠桃果熟春光好海  
屋添籌麗日明幸有百寮分節治嗟嗟宗德際昇平年豐  
物阜民安樂何必燕京是帝京

文

憲皇帝

浙江海神廟碑文

國家虔修祀典以承上下神祇嶽瀆海鎮之神秩祀惟謹  
視前代爲加隆朕臨御以來夙夜以敬

勤民爲念明神之受職於

天而功德被於生民者昭格薦歆敬禮尤至其爲民禦大災  
捍大患合於祭法所載則尊崇廟貌以昭德報功蓋所以  
遂斯民瞻仰之願而動其敬畏祇肅之心使無敢慢易爲  
非以得永荷明神之嘉貺意至遠也皇輿東南際大海而  
浙江海寧居瀕海之衝龕山赭山列峙其南颶風怒濤潮

夕震蕩縣治去海不數百步資石塘以為捍蔽雍正二年  
潮湧隄潰有司以聞朕立遣大臣察視修築且念小民居  
宅罔知敬畏慢神褻天召災有自爰切諭以修省感應之  
道命所司家喻戶曉警覺衆庶比年以來徼

明神庥佑塘工完固長瀾不驚民樂其生閭井蕃息越七  
年秋汎盛長幾至泛溢吏民震恐已而風息波恬隄防無  
恙遠近歡呼相慶謂惟

大海之神昭靈默佑惠我烝黎以克濟此朕惟滄海含納  
百川際天無極功用盛大

神實司之海寧為海壖劇邑障衛吳越諸大郡海潮內溢  
則昏墊斥鹵咸有可虞

神之禦患捍災莫此為大特發內帑金十萬兩勅督臣李  
衛度地鳩工建立

海神之廟以崇報享經始於雍正八年春三月泊雍正九  
年冬十有一月告成門闕崇峻宇深嚴丹雘輝煌宏壯  
鉅麗時展明禋典禮稱慶爰允督臣之請勒文穹碑垂不  
久遠俾斯民忻茲謠誦共喻朕欽崇

天道祇迓

神庥懷保兆民之靈氣結與衢道迤善服教畏神則  
神明之日監茲願答歆饗其炳靈協順保護羣生奠安

疆宇與造物相爲終始有承勿替朕實嘉賴焉雍正十年  
六月初一日

普陀普濟寺碑文

普陀洛伽山爲觀音大士示現之地歷徵靈應自梁貞明  
中始立佛宇宋元以來代有修葺我

皇考聖祖仁皇帝巡幸浙西遣官興建殿宇止爲

皇太后祝禱

御題賜額勒文豐碑以紀其事山靈擁護

聖蹟丕昭朕纘紹鴻基於茲十載念茲山爲古聖道場瑞像  
神光靈異顯著重以

聖祖皇帝宸翰留貽尤宜敬謹崇奉爰特發帑金重加修飾  
專官往董其役經始於雍正九年九月越雍正十一年六  
月工成朕惟天下名山大川皆扶輿積厚之氣磅礴而融  
結普陀秀峙海壖迴立於天風紫濤浩沔無際之中尤靈  
秀所萃聚宜其爲仙真之所栖息况大士以慈悲濟物爲  
心隨聲赴感無所往而不在其示現在一時實無時而不  
示現神通感應不可思議卽示現與不示現舉可不論也  
今夫佛法廣大無邊大海包含無際億萬百千里不足以  
測海之廣而一勺未嘗非海也億萬百千法不足以盡佛  
之相而一法無往非佛也今以大海視普陀一拳石耳而

菩薩現相之場善衆皈依之地泛慈航於彼岸結寶筏於  
迷津證普陀之慈緣顯宏深之願力珠宮在望香界重新  
寧不與鷲峰鹿苑均爲淨域之名區也歟用爲斯記鐫諸  
翠珉以志靈山之勝概雍正十二年正月十五日

普陀法雨寺碑文

法雨寺者普陀山大士之別院也

皇考聖祖仁皇帝既修建普濟寺上爲

慈聖祝禧復念茲寺爲海氛所震蕩發帑重新俾僧徒得所  
栖止

賜額立碑增輝瀛嶠歷今已數十載宜加崇飾朕特遣專官

費內帑庀材鳩工不勞民力香林梵宇丹雘煥然與普濟  
寺大工同時告竣督臣請摛文勒石以紀夫大士以慈緣  
普濟度盡衆生爲願朕嘗繹法雨之義爲濟物之普遍者  
莫如雨當夫慈雲布濩甘霽滂沱高下遠近一時霑足凌  
霄聳壑之喬柯勾萌甲坼之微卉華葩果蓏無不濡被潤  
澤發榮滋長暢茂條達各遂其性而不自知假使物物而  
雨之朝朝而漑之將不勝其勤而終不足以徧給惟本大  
慈悲現大神力周徧一切在在具足所謂天降時雨山川  
出雲膚寸而合不崇朝而徧乎天下者濟物之功莫大於  
是神仙寶刹緇侶雲集自當有被時雨之化證心印而傳

法乳普利生之實用以不負大士隨緣接引之慈恩而副朕宏振宗風護持正覺之至意者朕深有望焉雍正十二年正月十五日

崇道觀碑文

性命無二途仙佛無二道求長生而不知無生執有身而不知無相法身如以箭射空力盡還墮非無上至真之妙道也道祖云外其身而身存豈非世尊無我而有我之旨乎又云觀空亦空空無所空所空既無無亦無無無既無湛然常寂夫此湛然常寂豈非常樂我淨之妙諦乎彼上帶帶說述封癡任外走者烏能測知萬一哉大慈闍通禪

仙紫陽真人張平叔著悟真篇發明金丹之要自序以為是乃修生之術黃老順其所欲漸次導之至於無為妙覺達磨六祖最上一乘之旨則至妙至微率難了徹故編為外集形諸歌頌俟根性猛利之士因言自悟於戲若真人者可謂佛仙一貫者矣紫陽生於台州城中有紫陽樓乃其故居去郡城六十里有百步溪傳為紫陽化處又嘗焚修於桐栢崇道觀歲久香火岑寂特命發帑遣官載加整葺夫以真人靈源朗澈決定無生三界十方隨心轉用何有於蟬蛻之鄉更何有於塵棲之迹特以朕景仰高蹤表其宅里俾學道之士人人知此向上一路千涂同軌非可



東傳法苑通志 卷之三  
強分區別自生障礙庶幾真人揀迷覺世之薪傳不泯於後也自紫陽樓迄百步溪崇道觀三處各爲殿堂門廡若干楹併置田若干畝以資香火有餘則以贍其後裔雍正十二年二月經理告竣爰誌其緣起而刻諸石雍正十二年三月十八日

報恩寺碑文

古德有云行解相應謂之爲祖又云明道者多行道者少可知心性邊事固貴眼明必須踐履行不應解定非真解明而不行豈是真明昔人十二時中並無雜用心處又謂數十年始得打成一片皆謂此也朕於玉琳琇國師蓋不勝仰止之歎焉國師紹法磬山年始二十有四卽開堂於吳興之報恩寺提唱宗乘惟以本分事激發學者其口勵四誓與答客問七諦當因課誦示衆語自爲爲人悉皆如實具足無一虛字舞弄狂機疑悞後學實叅實悟真修真行我

世祖章皇帝慕其名德延入內庭對

御敷陳無非道要朕常擬於黃帝之訪崆峒成湯之間隨光  
惟

皇祖究竟真宗故能得此大士而國師實能無忝

恩遇始終無一言一行世諦流布與本分間隔洵不謬爲佛

東傳法苑珠林卷之三  
祖兒孫人天眼目者矣朕既選其語錄刊布叢林復念報恩法席宜加修整爰命有司庀材增葺以昭我

皇祖尊崇有道相得益彰之盛軌抑茲寺也磬山修先嘗演法而玉琳琇繼之所謂白雲千頃老屋數間一榻高眠令土木瓦石爲大眾轉大法輪者磬山之家風也合諸檀越建大禪堂十方聚會應時及節爲大眾說法者玉琳之行履也今磬山玉琳皆已入大般涅槃而白雲如故本石依然法堂之鐘鼓重開十方之善信不少大眾入此門來還見種種轉大法輪相否還聞時節說法無量音聲否如果親見親聞則報恩法會儼然未散只在本人當下領取以毋負國師常住切實爲人處是所望於努力修持者雍正

十三年四月初八日

重建天竺寺碑文

浙中多名山古寺天竺乃昭著之大刹也湖山明秀勝地鍾靈觀音大士歷徵顯應奇木妙相舍利瑞光普現宏慈久而彌彰有感必通如響斯捷

皇考聖祖仁皇帝巡幸浙西重新香界

御製碑文照耀宇爲


慈聖祝釐爲蒼生祈福意至厚也祝融不戒宜事鼎新爰因總督李衛之請命發帑金載加修葺雍正十二年十一月

工竣璇題朱網丹雘煥如遠近人民瞻仰歡悅用勒文翠  
珉以紀其事夫佛法廣大無邊不可思議而大士慈悲為  
念隨聲赴感普濟羣生是以善信皈依有求輒應然天人  
感召之理無他曰誠敬而已矣當其誠心懇至雖以愚夫  
愚婦之微賤而冥漠之際呼吸相通如其不然即有靈明  
響應悲憫救護之聖心亦不能強迷頑者而施之惠澤故  
曰神無常享享於克誠又曰至誠而不動者未之有也不  
誠未有能動者也夫斯人生享太平之福日用飲食一絲  
一粟在在皆天地覆載之恩即在在皆明神庇祐之力使  
非特存敬信之心好善遠罪以迓福祥而獨於祈禱迫切

之時奔走膜拜冀邀鑒格則誠意微薄豈能感應尚安望  
休祥之敷錫乎是以大士之慈悲靈聖振古如茲而斯人  
之昭受神庥必由自致誠能虔敬居心實力嚮善滌除惡  
念廣種福緣則善氣和會感致繁禧大士慈恩降祥錫祉  
年豐物阜風雨以時衍蕃昌而躋仁壽朕愛養黎元之至  
意其深慰矣夫雍正十三年八月初一日



勅修浙江通志首卷



天保製

陳述悲云無志首登

圖

夫佛法廣

圖

普濟羣生是

圖

他日誠敬而已

圖

有求無不應然天

意其樂慈矣夫棄五十三年八日

半豐辭阜風雨以却浴蕃昌而

念觀蘇蘇絲眼善廉味會颯姪

之即受師心由自姪婿拍製婿

林瓶之禮幾十是以大士之慈

之即去期我冀遊鑿斜眼婿意

